



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

24 d Donatianus vnd Rogatianus Märterer.

**urn:nbn:de:hbz:466:1-41449**

## Mayus

Zauberer Senesium / der ihm mit Giffte vergeben wolt.  
Darumb ward er mit grausamen / vn menschlichen  
Peinen gemartert / kam aber allzeit schadlos dauon/  
ward endelich enthauptet / vnd Senesium / den er beköret  
hat / mit Erdreich bedeckt.

Item des heyligen Marteners Guillelmi zu Ros-  
sa / welches Leib / da er verborgen lag / durch Göttliche  
Mirackel geoffenbaret worden.

Item des heyligen Bischoffs vnd Beichtigers  
Mercurialis.

Item zu Elwangen der H. Martener Sulpitii  
vnd Seruilliani / welche süterfliche Pfleger bey den  
Römern waren / von der heyligen Domicilla beköret/  
vnd nicht lang darnach gemartert worden. Paps  
Adrianus aber hat ihre Leiber dem Lingoniensischen Bi-  
schoff Erlolfo geschenckt. Seind darnach von seinem  
Brüder Ariolfo gen Elwangen geführt worden / da sie  
noch rühen. Von ihnen wirdt droben am 20. tag Apri-  
lis weiter gemeldt.

Item in dem Kloster Gemblaco der Geburtstag  
des H. Beichtigers Guiberti des Stiffers der Kirchen  
zu Gemblaco / der mit Wunderzeichen leuchtet.

d Nono Calend. Iunij.

Der XXIII. Tag im Mayen.

**G**ut ist der Geburtstag des H. Lehrers vnd Pro-  
pheten inn dem neuen Testament Manahen/  
welcher ein mißgeuling war des Königs Herodis  
Tetrarche / rühet in Christo zu Antiochia.

Item der H. Johanne / die ein Haußfraw war  
Chuse

Act. 13.

Chuse des Pflegers Herodis. Ist dem Herren JESU  
(als Lucas schreibt) mit andern Weibern auß Galilea Luc. 8. 24  
nachgefolgt / auch mit den drey Marien bey der begräb-  
nuß des Herren / vnd nach der Himmelfart Christi / bey  
den jüngern gewest / hat ihnen fleißig gedienet / vnd ist  
zu Jerusalem im freid entschlaffen.

Item zu Rom der Geburtstag des H. Martirers  
Vincentij.

Item in Franckreich / in der Statt Namnetis / der  
H. Martirer Donatiani vnd Rogatiani / zweyer Brü-  
der / welche vmb bestendigkeit des Christlichen Glau-  
bens / vnder den blütigen Kaysern Diocletiano vnd Anno Dñi  
288.  
Maximiano ins Gefeknuß gelegt / an ein Rahm auff-  
gehengt / zerrissen / mit einem Raißspieß durchstoßen /  
vnd endlich enthauptet worden seind.

Item in Histris der H. Martirer Zoelli / Seruili /  
Felicitis / Syluani / vnd Dyoclis.

Item in der Statt Tergestina / des heyligen Mar-  
tirers Seruili / von Edlen Christlichen Eltern / nemlich  
Eulogio vnd Elementia geborn / dienete GOTT von ju-  
gent an / da er 12. jar alt war / begab er sich in ein hölin /  
als ein Einsidel / thet grosse Wunderzaichen an allen  
Krancken die zu ihm kamen / beköhret vil Unglaubi-  
gen. Vnd als er zur zeit des Kayfers Numeriani den Anno Dñi  
286.  
Abgöteern zu Opfern verachtet / ward er mit ledern  
Riemen geschlagen / an ein Rahm auffgeheckt / gestreckt  
vnd gepeinigt / seine Seyten mit hacken gerissen / ist auch  
mit stinkendem Harm am ganzen Leib gewaschen wor-  
den / vñ nach dem er von der Rahm herab gethan / ward  
er mit siedendem öl vbergossen / blieb dannoch im Glau-  
ben vnd Gedult bestendig / ward endlich mit dem  
Schwert gericht.

S iij

Item

## Malus

Anno Dñi  
234.

Item zu Rom des H. Marteners Anolini / welcher ein Hüter war der Gefencknuß / darinn der heylig Pappst Urbanus der erst gefangen / ist aber sampt dreien Obersten Junffmaistern / nemlich Fabiano / Calixto / vnd Amano / von demselben S. Urbano zu Christo beköht / vnd da er den Abgöttern nicht opffern wolt / gleich enthauptet worden. Die andern drey seind erstlich greulich zerzeret / darnach zum Abgöttern geführt / vnd als sie dieselben ansppen / auch enthauptet / vnder den blütgirigen Kaysern Diocletiano vnd Maximiano.

Item in der Statt Bononia die erhebung des heyligen vnd berhümbten Beichtigers Dominici / im 13. Jar nach seinem seligen Tod / auß befehl Pappsts Gregorij des neunten / geschehen von dem Erzbischoff zu Rauenna vnd vilen andern Bischoffen / inn welcher erhebung von seinem junckfräwlichen Leib ein wunderbarlicher lieblicher süßer geruch gieng. Von dem weyter am 5. tag Augustmonats.

Item zu Coln am Rhein / in der Kirchen ad gradus Mariae, die erhebung etlicher Reliquien des H. Bischoffs vnd Beichtigers Ammonis.

Item die erhebung des H. Lamberti.

e viij. Calendas Iunij.  
Der XXV. Tag im Mayen.

Zu Rom / ist heut der Geburtstag des H. Pappsts vnd Marteners Urbani des ersten / der war ein Römer / von Edlem Geschlecht / vnd ein Christ von jugent auff. Vnder der verfolgung des Kayfers Aurelij Antonini / seind auß seiner Predig vnd Lehr bey  
fünff